



Isalathiso: 20210225-1236
Inombolo yefayili: 3/3/3/1/1
Imibuzo: IZiko leeFoni

INGcaciso eMfutshane yeCandelo loLawulo lwaBasebenzi ngoBuchule: 0002/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kumaSekela Balawuli, kuBaphathi beeSekethe, kwiiNtloko zoLawulo nokuPhathwa kwamaZiko, kwiiNtloko zokuNika iNkxaso kwiKharityhulam (kwizithili), kwiiNtloko zokuNika iNkxaso kuBafundi (kwizithili), kwiiNqununu nakubo bonke abasebenzi benkonzo karhulumente

Isihloko: ISistim yoLawulo noPhuhliso lweNtsebenzo yaBasebenzi 2021/22

1. ISistim yoLawulo noPhuhliso lweNtsebenzo yaBasebenzi (SPMDS) kwiSebe leMfundo leNtshona Koloni (WCED) yinqubo yentsebenziswano eqhubekela okoko ephakathi komsebenzi nomphathi/nesuphavayiza yakhe ekhokela ulawulo nophuhliso lwentsebenzo yomsebenzi kumjikele wentsebenzo ophelileyo.
2. Umjikele we-SPMDS uqala nge-01 Apreli ukuya kwi-31 kuMatshi kuye nawuphi na unyaka-mali ochaphazelekayo yaye unala macandelo mane:
 - Ukucwangcisa intsebenzo nemvumelwano
 - Ukubeka esweni, ukujongiswa nokuhlolwa kwentsebenzo
 - Ukumodareyithwa kwentsebenzo
 - Ukulawulwa kweziphumo nokuhlolwa kwentsebenzo
3. Kubalulekile ukuba amacandelo asetyenziswe ngokungaguqu-guqukiyo ngabaphathi babasebenzi/ziisuphavayiza/ngabaqeshwa kumjikele wohlolo uphela.
4. Abaphathi babasebenzi/iisuphavayiza/abaqeshwa bayakhuthazwa ukuba bathathele kubo ubumnini nokuthatha inxaxheba ngokuyimpumelelo kwinqubo yolawulo nophuhliso lwentsebenzo.
5. Umphathi wabasebenzi/isuphavayiza inoxanduva lokuqeqesha abaqeshwa ukuqinisekisa intsebenzo esemagqabini. Oku kuquka ukunxibelelana nabo rhoqo ukubanceda nokubanika inkxaso ekwenzeni imisebenzi yabo, ukusombulula iingxaki ngokuyimpumelelo, ukuqwalasela nokusingatha iimfuno zophuhliso.

6. Abaphathi babasebenzi/iisuphavyiza kufuneka bangakuphephi ukuba neencoko ezibalulekileyo/ezintsonkothileyo kunye nabaqeshwa babo ukuzisa utshintsho kwindlela yokuziphatha ephathekayo, ukunika inkxaso uphuhliso nentsebenzo yomqeshwa. Abaqeshwa kufuneka bacacelwe ngento emayilindeleke, ngendlela abenza ngayo umsebenzi nophuhliso olufunekayo.
7. Le theyibhile ilandelayo ichaza imihla yokuvulwa kwesistim i-Performance Management Information System (PERMIS) yecandelo ngalinye lenkqubo:

Umsebenzi	Imihla esikiweyo
Ukuvulwa kwesistim i-PERMISS V4 ukuzalisa uhlolo lwaqho ngonyaka lwango-2020/21 nokufakwa ekhomyutheni kweemvumelwano zentsebenzo zango-2021/22 zabo bonke abaqeshwa	01 Matshi ukuya kowe-14 Meyi 2021
Ukusayinelwa kohlolo lwaqho ngonyaka lwango-2020/21 kwisistim i-PERMISS V4	16 Apreli 2021
Ukungeniswa kwemihla yeentlanganiso ze-Intermediate Review Committee (IRC) kwiCandelo loLawulo lwaBasebenzi ngoBuchule	21 Apreli ukuya kowe-30 Apreli 2021
Ukuqokunjelwa kweentlanganiso ze-IRC zenkqubo yango-2020/21	03 Meyi 2021 ukuya kowe-28 Meyi 2021
Ukusayinelwa kweemvumelwano zentsebenzo zango-2021/22 kwisistim i-PERMISS V4	14 Meyi 2021
Ukuqokunjelwa kweerivyu zaqho ngeenyanga ezintandathu kwisistim i-PERMISS	22 Oktobha 2021
Ukuqokunjelwa kohlolo lokugqibela namanqaku kwisistim i-PERMISS	15 Apreli 2022

8. Isistim i-PERMISS ayisayi kufumaneka emva kokuphelelwa kwale mihla ingentla yaye nazo naziphi na izicelo, zokuvula isistim azisayi kwamkeleka ngaphandle kwesizathu esibambekayo esisuka kumphathi wabasebenzi ochaphazelekayo.
9. Akukho mqeshwa uya kulungela ukuwongwa ngentsebenzo, ukuba akasayinanga aze angenise imvumelwano yentsebenzo ngelo thuba limiselweyo.
10. Ukungathotyelwa kokuqokunjelwa kwangethuba nokungeniswa kweemvumelwano zentsebenzo lilo naliphi na iqela elichaphazelekayo, kuya kujongwana nako ngokomgaqo wokuziphatha kunye nemigaqo yenkonzo karhulumente.

11. Abasebenzi abasezikolweni/abakumaziko abangekayisebenzisi isistim i-PERMS kufuneka apho kusebenzayo oku, bazalise izihlomelo ezingamaphepha A, B, C1, C2, E, F, nezatifikethi eziqinisekisa ukugqitywa kwee-Apreyizali zeNtsebenzo (*Performance Appraisals*) zabaqeshwa kunye neerivyu zesiqingatha sonyaka.
12. Kucelwa nazise okukule ngcaciso imfutshane bonke abaqeshwa abaphantsi kolawulo lwakho ukuze bakuthathele ingqalelo.

ISAYINWE: NGU-LJ ELY

USEKELA MLAWULI-JIKELELE WEENKONZO ZEZIKO

UMHLA: 2021-03-29